

**Tunup namminerisamik kommuuinngorsinnaanerata nalilernissaa pillugu apeqquteqaat aallaavigalugu oqallisissiaq.**  
(Inatsisartunut ilaasortaq Lars Poulsen, Siumut)

**Akissuteqaat**

(Isumaginninnermut, Suliffeqarnermut, Nunamullu Namminermut Naalackersuisoq)

**Siullermeerinnineq**

Siunnersuuteqartumut Lars Poulsen, Siumut, apeqquteqaat aallaavigalugu oqallisissiatut siunnersuutaanut Naalackersuisut qujapput.

2015-imi Tasiilami innuttaasut ilaat 450-it missaannik amerlassuseqartut atsioqatigiillutik kissaateqarput Kommuneqarfik Sermersup avinneqarnissaanik. Atsiornernik katersineq taamaallaat Tasiilap illoqarfiani ingerlanneqarpoq, Kommuneqarfik Sermersuumilu najugaqarfiusut allat isummernissaminnut periarfissaqarnatik, kommuni marlungorlugu avinneqassanersoq, tassa imaappoq kommuni kangilleq aamma kommuni kitaa.

Naalackersuinikkut Ataqtatigiissaarisooqatigiit ulloq 11. februar 2015 ataatsimiinneranni inassuteqartoqarpoq Kommuneqarfik Sermersooq avinneqarpat aningaasartuutissat iluaqtissallu kingunerisassai pillugit Naalackersuisut misissuinermik suliamik aallartitsissasut.

Deloitte august 2015-imi Kommuneqarfik Sermersooq avinneqarpat kingunissat pillugit misissuinermik suliarfik tunniuppaat.

Misissuinermi suliap paasinarsisippaa kommunimik avitsineq Kommuneqarfik Sermersuup kitaanut immikkut sunniteqassanngitsoq.

Taamaakkaluortoq Kommuneqarfik Sermersuup kangianut sinaakkutit atugassarititaasut eqqarsaatigalugit unammillernarnerussapput, aningaasaqarnikkut siuariartormik imminullu napatissinnaasumik pilersitsiniarnermi annertuumik suliniuteqarnissamik piunasaqaateqassalluni. Ilanngullugu kommuni avinneqarnissaanut atatillugu sulisussanik piginnaasaqarluartunik pissarsiniarnermi unammilligassani, pingaartumik isumaginninnikkut suliassaqarfimmi, immikkut unammillernartuunissaa naatsorsuutigisariaqarpoq, sulisunut suliaminnik ataatsimoorussanik pilersitsiniarnerannut periarfissaat annikillissammata, peqataanillu illoqarfik allaffissornikkut ingerlatsiviususaaq nunap immikkoortuini avinngarusimanera pissutigalugu sulisussarsiorniarneq ajornarnerusussammat. Unammillernartoq tamanna ullumikkut aamma atuuppoq.

Naalackersuisut ukkataraat kommunini innuttaasut inatsisitigut illersugaanerat pitsaanerpaamik qulakkeerneqassasoq, kommunit nunap immikkoortuini killeqarfiisa ilusilersornerat apeqqutaatinnagu. Kommuneqarfik Sermersuup kommunitut avinneqassappat Naalackersuisunut innuttaasut pisinnaatitaaffiisa annikinnerulersinneqannginnissat pingaaruteqarpoq.

Ilanngullugu Naalackersuisunut pingaaruteqarpoq, innuttaasut tusarneqarnissaat qulakkeerniarlugu kommunit aqqissugaanerata ilusilersornera ataavartumik oqallisigisariaqartoq.

Naggataagut kommunalbestyrelsi, kommunep innuttaasa politikkikkut sinniisaattut, kommunip avinneqarnissaanik Naalackersuisunut Inatsisartunullu qinnutiginnittussaapput. Naggataani Inatsisartut Kommuneqarfik Sermersuumi innuttaasut kommuni marlunnut avinneqassasoq, tassa kangianut aamma kitaanullu, kissaateqarpata aalajangiisussaavoq. Tamanna pissutigalugu Naalackersuisut neriupput oqallinneq aamma inersuup avataani, Kommuneqarfik Sermersuumi innuttaasut akornanni, ingerlanneqassasoq.

Oqallilluarisi.